

丹
邱
生
集

丹邱生集卷第一

仙居 柯九思 敬律

河源志序

河源有志自本朝始前乎此曷爲未有志

志字從選

本補河源者道路遼阻所傳聞異辭莫能究河之源

也山經曰敦薨之水西流注於泐澤出於崑崙之東

北陬實惟河源而水經載河出崑崙經十餘國乃至

泐澤山經又稱陽紆之山河出其中凌門之山河出

其中穆天子傳亦云陽紆之山曰河北

原作河曰據

選本改馮夷所居是惟河宗考

原作氏據選本改釋

氏西域志稱阿耨達大山上有大淵水即崑崙山也

地理志亦稱崑崙山在臨羌西而漢書載河出兩源
或稱有或稱無而河源所著異同況世殊代易名地
亦異終莫能有究之者我太祖皇帝二十有一年春
正月征西夏夏取甘肅等城秋取西涼府遂過沙陀
至黃河九渡按崑崙當九渡下流則崑崙固已歸我
職方氏矣憲宗皇帝二年命皇太弟旭烈帥諸部軍
征西域凡六年開封疆四萬里於是河源及所注枝
出者盡在封域之內當時在行有能記其說皆得於
目擊非妄

原作放據選本改也逮世祖皇帝功成治

定天下殷富遂命臣都實置郡河源故翰林侍讀學
士潘公得究其詳實搜源析派而作斯志乃知更崑

崙行一月始窮河源於戲當四海混一之盛聞廣見
覈致數千載莫能究者俾後世有考而傳信焉豈斯
文之光實邦家無疆之休也公之子詡能不墜其先
業增光而潤色之至順閒以同知嘉定州事來吳將
刊是書行於世屬九思敘其說於篇端元統元年冬
十有一月日南至奎章閣學士院鑒書博士文林郎
柯九思序

明玉蘭草堂本陶宗儀南村輟耕錄二十

顧善夫怡樂堂序

琅玕珠玉物之美者也樟枌梗梓材之美者也蓋物
各值其遇庶竭其質而盡夫天地造物生成之道夫

然後而物亦能輸其美惡之性否則或韜光於深淵之中待夫連城之售或屹立于林壑之間奮乎凌雲之志焉不特物爲然而人之善處世者亦如斯而已苟時與運相隔心與俗相違則脫然高舉於流俗之表而翬翬自得與斯世奔競之徒諒有徑庭矣玉峰顧氏善夫早以卓犖之姿英邁之志而居四姓之一鎔金爲器以便鼎彝烹飪之用其爲功也固不細矣雖仕宦數年不沾沾於利祿忽起蓴鱸之思旋返故里乃構別業於玉峰之陽顏其堂曰怡樂蓋有徵之於古也朝扣鐘鐃擊辨磬日與衣冠之士談道德之篇以闡老莊之學或講新民之理以爲課子之規

留心於是可謂知所本矣又矧門臨曲礪地接長林而俯仰之間惟有水光山色鳥語花香相爲娛樂蓋山水之爲樂吾夫子或有取焉一則靜而有常一則流而不括斯非善夫樂於仁智之事而誰與吁物之爲用識者或有取焉人之爲人達者或有樂焉予揣公之爲人若此謂之怡樂者不亦宜乎愚素不克爲文姑述其萬一以實行云爾時至正辛巳九月朔日丹邱柯九思著并書

明張泰階寶繪錄十三

竹窩記

新安居萬山中景幽而深水清而駛林藪蓊鬱居者脩然有林屋洞天之致雖仇池武陵亦不是過予於

辛亥冬初以王事之歛陟峭嶮漸入蒼莽時草木彫
瘁脩竹夾道青翠森立望互可百里也已而西風蕭
颯聲掩箐籟令去國懷鄉之思愴惋於悵有莫以告
人者既而歲杪東歸復繇是道則風霜凜冽山川失
態而竹獨能輾冰雪泊晴煙漏素月相傍於松風澗
水之涯予方馬上賦詩卒感夫山村野屋凍棲塵釜
而青禁椒房之弗聞者壬子春復抵於此時雖和煦
萬象熙明流日生金飛煙瑩玉條風初扇音樂鏘鳴
蓋有物各得所如點之浴沂風雩不規規於事爲之
末者吁往復者三而感以時異其孰厯此而同予情
哉歟有俞子名仲字紹南者壯游之暇構居竹深棖

棟結覆無一匪竹則夫蒼筤箇簌鐘籠簣簞固皆爲
壁爲戶而爲友也豈獨羨夫嶰谷淇園而已耶因號
竹窩情景之會殆與陶籬謝池同一機耳亦莫可以
告人也夫俞子之靜與予之動行若相反而其憂其
樂不知其相若否耶遂書以爲記異時策筇徑造竹
所擊琅玕之節披簡閱之當不爲生客矣又從而歌
之歌曰菴竹兮脩脩碩人兮好述卜築兮林之陬結
窩兮藁之幽廓繚深兮往復蔚颯爽兮涵秋境遐僻
兮閼密徑紆迴兮息游靜以壽兮弗老節歲寒兮與
傳吾將謝塵纓兮簪吾投樂與子兮忘憂

寶繪錄十

六

秀峰寺重興修造記

□□縣鄉曰西華去城僅百里山曰聚秀有寺因立
名峰秀峰剎始於宋紹興間□氏聞徑山佛智袞禪
師之道請爲開山第一代祖迄今二百三十餘年矣
寺□廢迭興年代寢遠固不復攷□□□皇元至順
二年玉泉滋禪師來尸是山三□構丈室東偏客位
三間元統元年□蓋祖堂一所二年改拓方丈三年
重建茶堂二間四年鼎新鐘簴之樓至正二年脩藏
經殿三年興蓋大佛殿規制高廣跨舊址若干尺噫
凡今之苟得爲住持者往往務虛僞不務其實罔知
爲王法者之本流通之道也深儲厚蓄豐已以儉人

之□體恬於安佚屋之腐敗不支者視之若道路然
釜之塵埃蘊積突不黔者昧焉而□問若滋公之心
者幾霄壤矣焉不□五年而成就□偶然哉大佛殿
落成一日語於衆寺之弊陋不□稱者□□矣寺之
舊爲□宜有者今備矣當□去□是遠近檀施聞者
皆慕其德不忍其去即具辭□路者咸力挽而延之
公雖勉從其說□□不莅寺事遂築一小室隱居焉
寺□年永茂永興有來告曰願□□言以□□□□
□□□□□不廢前脩毋替□山之大幸也於是乎
爲誌其□□□奎章閣學士院鑒書柯九思記郡僧
普慈書郡人祖顓篆題至正四年二月既望知事比

上道臨永及立

墨拓本

石屏記

高昌正臣博古好雅其燕處之室凡可以供清玩者莫不畢具石屏其一也異哉茲石方廣僅咫尺其文理粲然有高深幽遠之思焉絕頂渾厚者如山如嶽飛揚飄忽者如煙如雲橫流奔激者如江如河斷者若岸泓者若潭或如林麓之蓊鬱或如禽魚之遊戲使董北苑僧巨然復生其破墨用筆不過是矣古之人遇物之異者必書其冊若斯屏之異安得不爲之書也因命之曰江山曉思復書其背而刻之至順二年夏四月望奎章閣學士院鑒書博士文林郎柯九

思記 卞永譽式古堂書考十八

范文正書韓子伯夷頌贊

右宋推誠保德功臣贈太師中書令魏國范文正公書唐韓子伯夷頌真跡筆意精嚴動合法度有晉人之遺風熙寧以後名公題識具存誠寶玩也按公書此頌遺武功蘇舜元南渡後歸秦檜氏又歸賈似道宋亡流入北方李侯戡得之京師來守吳實魏公之鄉因謁公遺像以其書歸其後之人今藏於范氏義莊子孫世守之竊嘗謂時有代謝世有盛衰至於天理民彝則越萬世而不可泯者必有人焉王侯之貴晉楚之富死生之大舉不能以動其心乃足與有爲

也太史公纂史傳思可以厲節義維綱常者許由務
光之倫其事不經得孤竹君之子遂爲千載人物稱
首遷之志念深矣唐韓子稱其微旨著伯夷頌文正
公復以韓子之旨而爲之書蓋公屢以忠讜不容於
時遭誣擯斥守道彌篤所謂不動心以有爲者其在
斯人與其在斯人與

式古堂書考不重

夫聖賢所遭

之時雖異至於厲節義維綱常而天理民彝賴之而
不泯者則一而已故觀此書者莫不興起書云乎哉
贊曰於昭民彝不億而泯肅肅元夫厥德孔純弗移
弗屈執中允固思皇九有克寧無斁民不可乏主我
不隕厥清匪茲元夫日離亂爭此何人斯孤竹之子

非其君不事非其民不使韓侯作頌郁郁其章魏公
書之翼翼其相死生弗渝是式是似曠代同心惟余
與爾人獲遺書如珪如璠懷德不替來歸其孫維魏
公子孫永保弗失惇我風化尚祚皇國後學柯九思
拜手謹書

明朱存理鐵網珊瑚書品二 式古堂書

考九

紫檀界方銘

兀坐草玄風后爲奸爾往鎮之世掌我編

明汪珂珊

瑚網

丹邱生集卷第一

丹邱生集

卷一

七

丹邱生集卷第二

仙居 柯九思 敬仲

張僧繇春江晴嶂圖

不謂顧陸後而有僧繇傑出並驅爭先乃知世不乏
□□思誨小筆不減若兄風致尤可寶也

寶繪錄一

曹霸柳塘洗馬圖

昔杜子美題曹將軍畫馬云意匠慘淡經營中其許
之若此今所畫柳塘洗馬又如子美晚涼看洗馬森
木亂鳴蟬之句固知詩與畫無有二致

寶繪錄二

陳居中羌胡翦馬

陳居中嘉泰年供奉畫院待詔善畫人物又工蕃馬

設色精妍布置清曠評者比之黃宗道吾恐宗道未
易方駕也 寶繪錄三

顧愷之秋江晴嶂圖

人稱虎頭爲畫中之聖子又謂此卷爲畫中之神八
百年來繼起者亦多矣誠無有愈於此者丹邱柯九
思題於京師官中 寶繪錄四

王右丞雪谿圖

右雪谿圖乃唐王右丞維真筆也維詩爲四傑之一
至於畫用筆設色超凡絕俗又爲古今第一豈昔人
所謂姿稟高邁意度瀟灑下筆便當過人者耶往歲
曾於袁清容處得見輞川圖已屬神品及見此卷尤

覺奇絕蒼崖古雪儼然天際裁眉令覽者蕭然意遠
吾謂虎頭復起其不北面也者幾希

寶繪錄五

王維高本輞川圖

輞川圖出自摩詰一一點染其臺榭景物無不可游
可玩可忘世以故賞識者稱畫中有詩苟非胸次磊
落指掌神奇恐未易臻此也至於詩題俊語不減陶
謝又詩中畫也五百餘年來畫家如林鮮有與之並
駕者披閱一過不勝神往

寶繪錄六

李昭道畫卷

唐室李昭道思訓子也作畫稍變家範而一種秀發
之氣則又出自天成此山居幽趣圖正其壯年之筆

故更精細一峰道人謂其全法展子虔豈漫言哉若
欲求昭道生平畫卷當以此圖爲最泰定新元仲夏
十一日丹邱柯九思跋

寶繪錄七

盧鴻嵩山草堂十景圖

盧鴻爲唐代高品其畫亦如之故後世慕其畫更慕
其人今觀其畫則脫然無纖塵誦其詩則蕭然忘世
味即此可以知其人知其人則可以知其心矣人固
以畫重而畫尤以人重也昔宣和主愛之系以題句
今太樸先生寶之不啻天球琬琰乃知古今好尚未
始不相似也至正丁亥七月十四日丹邱柯九思拜

手題

寶繪錄七

盧鴻仙山臺榭圖

唐盧鴻不欲仕隱居嵩山少室閒以繪事寄情其識趣已超遠矣此仙山臺榭圖離塵絕俗無纖悉埃壒氣豈非以其人哉昔陶淵明以彭澤令歸高風千古顧長康天資超俊有三絕之奇鴻兼而有之當不止於鼎足已也丁卯七月朔丹邱柯九思記

寶繪錄七

王羲之感懷帖

王羲之在晉以骨鯁稱激切直博不屑屑於進用議論人事中其病常十之八九與當道書無所畏避發粟賑飢上疏爭事悉不阿順凡所處分動合時宜當爲晉室第一流人品奈何名爲能書所掩耶書心畫

也百世之下觀其石刻適勁正健即其人歟所惜溺
意東土適情山水不欲居內倨傲王侯功名事業止
是而已抑亦晉室之氣數有在也晉之政無足言者
後世曰寶晉政以義之書故耳黃庭蘭亭霜寒墓田
裏鮓等帖墨蹟已不可得若唐之虞褚宋之米薛臨
本猶或僅見一二更百代後而寶晉之名如一日也
其重於人之國也如此至正丙戌九月晦日友人徐
元度出示逸少感懷帖索題可謂希世之寶予不能
贊一詞輒書鄙論於左以俟後之覽者丹邱柯九思
記寶繪錄八

郭忠恕仙峰春色圖

郭忠恕所作仙峰春色圖深得關董之妙足爲生平第一筆也恕又善屬文兼篆隸至於作畫乃其緒餘若不經意惟不經意故妍美益不可及矣先爲周博士後宋混一海宇太宗知其名召爲國子監主簿以曠達不羈忤旨疏徙登州道中尸解其畫罕傳聞有越王宮殿與避暑圖極精不知落在誰手必不能出此卷之上丹邱柯九思爲清容先生題

寶繪錄九

李咸熙秋嵐凝翠圖

李咸熙爲唐宗室業儒善文氣調超越數奇不偶因寄興繪事初非有意求售祇以自娛故山林藪澤平遠險易風雨晦冥煙雲霧靄一皆吐其胸中而寫之

筆下如孟郊之鳴於詩張顛之狂於草無適而非是也嘗有顯達貽書招之咸熙得書且憤且歎曰自古四朋不相雜處吾本儒生以藝適情奈何使人羈致入賓館研丹吮粉與畫史傭工同列乎卻其使不應嗚乎不特其伎之精即人品之高尚亦何可多得也

寶繪錄九

李成畫十幅

昔年余承直館閣於內府珍祕披閱幾徧可稱人世大觀至於李成真蹟僅見一二然皆縑素昏暗未足稱完璧曷若是冊之精妍秀美而更明潔也善夫副使珍之武庫所謂球琳琬琰世所罕觀亦未易與之

鬪奇爭勝也 寶繪錄十

趙千里上林圖

小李將軍繪法全從顧愷之化出趙千里繪法全從小李將軍化出故藝苑中必主定一家庶能成己以立不朽之名千里公巧思苦心繪此上林圖不惟獨得精工之妙而超出古人之意趣其樓閣人物花鳥皆摹小李將軍其樹石蹊徑佈景悉自成一家萃前拔古其設色最得旨奧凡繪色如不得旨逾年即能毀變其得旨者雖數百年必不更毀斯卷鮮潔如新嬌豔欲滴其孰能之哉余初展時惟知娛目快心而已既玩之久覺得山林村落若我身履其境漸漸如

閱其隊隊行伍馬如走人如行如相與語言如獲諸
羽物閱至卷尾見人物臺榭漸小如隔遙遠作眺望
狀惟知娛目觀獵玩山水歷諸境界忽不知予今觀
繪圖也故羨千里公之畫家三昧然千里公所繪圖
余亦閱數卷矣未有若此卷之妙者珍藏之家宜重
之慎之

寶繪錄十一

夏珪晴江歸棹圖

錢塘夏禹玉畫筆蒼老墨汁淋漓畫院中人物山水
自李唐而下無能出其右者吾友邱世嚴有風雪歸
莊圖與此不相上下但境界稍寥落耳此卷醞釀墨
色麗如傳染殆荆關以上人也

寶繪錄十二

袁清容集四大家

清容先生夙與趙松雪黃子久王子蒙倪元鎮四君子有金石契宜乎其有此也覽之不覺垂涎意欲作一墨君附後以成五美何如

寶繪錄十三

顧善夫集十大家

皇元畫家如林然亦悉萃於東吳誠前代所不及也故若趙松雪高彥敬錢玉潭曹雲西黃一峰趙仲穆吳梅庵倪元鎮王叔明盛子昭諸君莫不超越今古輝映宇宙即片紙尺幅人不易得惟善夫副使清雅博洽爲諸君所知愛每邂逅閒乘閒請圖或致書索求輒得小筆若干幅各師古法意態具足如入武庫

而夏璜商彝錯陳宴昭陽而飛燕玉環競飾采粲迎
眸誠希世之珍也是宜什襲藏之永爲室家之鎮寶
繪錄十三

趙松雪重江疊嶂圖

松雪翁此卷雖發興於王晉卿而畫格則師王摩詰
翁跋語中所云四圖予皆及見之今觀此卷無不脗
合翁殆非塵寰中人也善夫副使出示索書遂錄坡
仙長句於後翁畫已入唐人室而予書未能追倣坡
仙續貂之誚所不免矣深愧深愧至治壬戌十一月
朔日柯九思敬仲甫並記寶繪錄十三

錢舜舉花鳥十幅

古人工花卉者有黃筌之精妍徐熙之散逸俱屬神
品名冠今古三百年來無有能似之者至我元有錢
舜舉能兼二子之長蓋其質秀才美詞翰並妙繪事
之伎止其緒餘若此數幅又餘事之餘而更清麗不
凡天趣獨得誠藝林中通材也予閒居觀此不勝敬
服爲之擊節三歎丹邱柯九思題於石室僧舍 寶繪
錄十八

錢玉潭諸夷職貢圖

吳興錢舜舉作畫無不精妍若其臨摹尤所擅長第
不易得耳嘉禾吳瑩之素與之善珍藏此冊已越數
載未屬標幟一日予道經其邑瑩之出示索題豈以

予爲能知書耶聊採夷志中所載者筆之畫端此特
其十之二三若必欲細微詳悉尚俟博雅君子至正
丁亥四月下浣九思并記 寶繪錄十八

薛尚功摹鐘鼎彝器款識真蹟

集金石錄者多矣尚功所編尤爲精詣況其墨蹟乎
予舊於山陰錢德平家屢閱之誠奇書也至正元年
十二月甲子鑒書博士柯九思書於吳氏遜學齋 鐵
網珊瑚書品一 式古堂書考十二 郁逢慶續書
畫題跋記五

唐臨十七帖

右唐人所臨王右軍司州等三帖用筆沈著轉折熟

圓自歐陽法中來至其妙處從容中道誠書家所不可無也吳興趙翰林補其不足前人已評之故不論平原陸友仁好論書座中見此帖謂楊漢公所臨良是

鐵網珊瑚書品一

式古堂書考八

東坡恕察帖

右宋文忠公蘇翰林恕察真蹟言簡而意足忠厚之氣藹然奎章閣學士院鑒書博士柯九思跋

鐵網珊瑚書品三

式古堂書考十

良常張氏遺卷

予嘗爲德常記草堂矣復見此卷誦五峰先生

二字

據真蹟補

之詞甚奇古仲穆使君之篆筆力適勁

原

作緊據真蹟改

澤民若水之畫清潤助教之詩流麗

皆令人斂衽故爲之識其後丹邱柯九思題於王氏

環慶堂

鐵網珊瑚書品八

式古堂畫考二十三

此卷今藏俞虞軒家三
中丞家朱澤民王若水各爲

圖

自題墨竹

至正二年壬午九月僕與高昌正臣游張公洞天張

德常期而不至殊懷其人不禁清興故作墨竹以寄

之前奎章閣鑒書博士丹邱柯九思識

鐵網珊瑚書

品八

式古堂畫考十九

題趙松雪詩藁

趙文敏公書出於晉詩及乎唐固一代之能事也觀此卷令人歎慕不已德常其永保之至正二年壬午九月十又六日丹邱柯九思題

鐵網珊瑚書品入

式古堂書考十六

文湖州竹

僕平生篤好文筆所至必求披玩所見不啻數百卷真者僅

此字據郁氏記補

十餘耳其真偽可望而知

之文蘇同時德業相望墨竹之法

郁作妙

親授彭城

故湖州之竹

郁作作

多雪堂所題若必東坡題誌

郁作識

而定真偽則膠柱鼓瑟之論也此卷文畫蘇題

遂

下作俱

成全美予舊常見之每往來胸中未

郁作

不忘今復於益清亭中披閱令人不忍釋手故爲之
識同觀者倪元鎮至正二年七月十九日丹邱柯九
思書

鐵網珊瑚畫品一

續書畫題跋記一

式古

堂畫考十一

國朝吳榮光辛丑銷夏記一

褚河南臨大令飛鳥帖

此唐人所摹略有元常遺法足以知字畫源流之有
自也況絕無宋人氣是唐無疑耳奎章閣學士院鑒
書博士柯九思跋

明陳繼儒妮古錄一

題定武五字損本蘭亭

世傳蘭亭石刻甚多如月印千江在處可愛桑世昌
考之備矣此卷五字鑊損本紙精墨妙又有僧隆茂

宗所畫蕭翼賺蘭亭圖於後誠爲佳玩至順四年十月柯九思跋

式古堂書考五

續書畫題跋記三

題張長史四詩帖

張顛書法縈迴恍渺中有挽勁飲石之強至不易得是顛史書中第一余生平所見無過此帖者展玩再三不忍釋手

式古堂書考七

題唐女仙吳彩鸞楷書四聲韻帖

右女仙吳彩鸞書唐韻真蹟彩鸞之事備載書史小字能寬綽此仙之妙於書也況得五聲俱全尤爲可寶奎章閣學士院鑒書博士柯九思審定

式古堂書

考八

題李咸熙讀碑窠石圖

讀碑窠石圖李唐宗室成所畫也予謂筆墨備有神妙兩到於此本見之矣前人稱畫山水者必以成爲古今第一信不誣矣宜乎評者以此本第居神品上上云成字咸熙五季艱難之際避地北海遂爲營邱人凡畫家至不名而曰營邱者是也

式古堂畫考十

題何祕監歸莊圖

何祕監以畫稱於北方張承旨以書自負於當時姚文公趙文敏公尤長者長者豈欺我哉惟有把玩健羨不已

式古堂畫考十五

國朝高士奇江村銷

題趙文敏秋郊飲馬圖

右趙文敏公秋郊飲馬圖真蹟予嘗見韋偃暮江五馬圖裴寬小馬圖與此氣韻相望豈公心摹手追有不期而得者耶至其林木活動筆意飛舞設色無一點俗氣高風雅韻沾被後人多矣奎章閣學士院鑒書博士柯九思跋

式古堂畫考十六

續書畫題跋

記五

國朝陸心源穠梨館過眼錄

題王孤雲墨幻角抵圖

人物用墨積成鬼怪百戲曲

盡其幻

鬼物戲人經傳備載夫且戲人寧不自戲王君作此

圖其自戲耶戲人耶觀是圖者觀其戲無所戲乃得
之鑒書博士柯九思敬題 式古堂畫考十八 江村
銷夏錄一

自題畫竹

右石室先生文公所畫古木筆意簡古破墨清潤天
趣飛動真逸品也又有元章至能鑒賞於上可爲寶
玩但欠墨竹一枝故爲補於其後後學柯九思題
九思舊於京師見先生墨竹併題如此今不敢用已
意繼先生之後全用舊法也 國朝繆日藻寓意

錄二 按真蹟藏元和顧氏過雲樓中

題趙文敏楷書黃庭經

晉人書以韻度勝六朝以丰神勝唐人求其丰神而不得故以筋骨勝趙翰林中年書甚有六朝遺意此黃庭外景經是也余嘗收唐人所臨外景經筋骨雖佳其去真蹟遠矣反不若趙公是書之爲近似也此爲知者道鑒識之士必賞余言至順元年六月八日奎章閣鑒書博士柯九思跋

元和顧氏過雲樓集帖

題陸繼之摹蘭亭敘

右甫里陸繼之摹右軍蘭亭敘唐太宗既得繭紙真本命當時羣臣能書者搨賜諸王予平日所見何啻數十本求其弄翰能存右軍筆意者蓋止二三耳此卷自褚河南本中出飄撇醞藉大有古意一洗定武

之習爲可尚也今世學書者但知守定武刻本之法
寧知繭紙龍跳虎卧之遺意哉繭紙既不可復見得
見唐摹可矣唐摹世亦艱得得保茲卷勝世傳石刻
多矣當有精於賞鑒以吾言爲然至元後己卯歲三
月二十二日奎章閣學士院鑒書博士柯九思跋

欽定御刻三希堂石渠寶笈法帖二十五

梵隆六高僧像跋

右梵隆六高僧像真蹟筆法出李伯時而性情實宗
閣立本也可入妙品奎章閣學士院鑒書博士柯九
思

國朝姚際恆好古堂書畫記上

自題畫竹

此法極難非積學之久不能也 石刻 竹身雖屈竹

節直自識原稱法極難垂葉恰如錦鱗上天然無餌

釣魚竿乾隆甲辰仲夏月 御題 賜經

筵講官禮部尚書兼 文淵閣直閣事紀昀 石刻

今藏息園 按明都穆寓意編載姑蘇劉昌跋云見

丹邱生竹譜於京兆張公孟弼所其言竹之晴葉破

墨曰此法極難非積學之久不能到與此略同當別

是一本

丹邱生集卷第二

丹邱生集卷第三

仙居 柯九思 敬仲

宮詞十五首

此卷錄自元詩選他書別見者並注於

下

萬國貢珍羅玉陛九賓傳贊卷珠簾大明前殿筵初

一作所

秩勳貴先陳祖訓嚴

凡大宴使臣掌金匱之

書必陳祖宗大札撒以爲訓

黑河萬里連沙漠世祖深思創業難數尺闌干護春

草丹墀留與子孫看

世祖建大內命移沙漠莎草於

丹墀示子孫毋忘草地也

親王上璽宴西宮聖祚中興慶會同爭捲珠簾齊仰

望瑞雲捧日御天中

天厯元年十二月二十七日篤

伶帖木兒怯薛第二日寶寶內對遠古兒赤明里董

阿平章月魯不花右丞大都赤哈喇入

尚書

有來典瑞院官吉寶兒同僉答失蠻經歷柯都事奏
十月二十三日上都送寶來的時分與聖殿御宴其
間有五色祥雲捧日當殿本院官院判鄭立經歷張
符都事柯九思等與衆於殿前一同仰觀郁郁紛紛
非霧非煙委係卿雲現似這般祥瑞應時呵如今與
省家文書行移國史院標寫入史呵怎生奉聖旨您
每行文書者

四海昇平一事無常參已散集諸儒傳宣羣玉看名

畫先進開元納諫圖
凡御覽法書名畫羣玉內史掌之
御選元詩七十二

萬里名王盡入朝
法宮置酒奏簫韶
千官一色真珠襖
寶帶攢裝穩稱腰
凡諸侯王及外番來朝必錫宴以見之國語謂之質孫宴質孫漢言一色言其衣服皆一色也
御選七十二

官家明日慶生辰
準備龍衣熨帖新
奉御進呈先取旨
隨珠錯落閒奇珍
御服多以大珠盤龍形嵌以奇珍曰鴉忽曰喇者出自西域有直數十萬定者

傳宣太府頒宮錦
近侍承恩拜榻前
製得袍成天未曉
著來香殿賀新年
臘前分賜近臣襖材謂之拜年

段子

鳳城

一作天街

女樂擁祥煙梵座春游浹

一作夾管

絃齊望綵樓呼萬歲祥雲

一作拓黃

只在五雲邊

故

事二月十五日迎帝師游皇城宮中結綵樓臨觀之

花明畫錦柳搖絲仙島陪鑾濯禊時曲水翻成飛瀑

下逶迤銀漢接清池

故事上巳節錫宴於萬歲山

御選七十二

儒臣春直奎章閣玉陛牙牌報未時仙仗已迴東內

去牡丹花畔得圍棋

上日御奎章報未時則還內殿

矣

御選七十二

玉梳調冰湧雪花金絲纏扇

一作綫

繡紅紗綵箋御

製題端午勅送皇姑公主家

皇姑者魯國大長公主

皇后之母也天厯二年端午上賜甚厚並御詩送之

御選七十二

國朝欽鮑氏安素軒帖

觀蓮太液汎蘭橈翡翠鴛鴦戲碧苔說與小娃牢記
取御衫繡作滿池嬌

天厯閒御衣多爲池塘小景名

日滿池嬌

珠宮錫

一作賜

宴慶迎祥麗日初隨綵綫長太史院

官新進厯榻前一一賜諸王

每歲日南至太史進來

歲厯日

元戎承命獵郊坰勅賜新羅白海青得雋歸來如奏

凱天鵝馳道

一作送

入宮庭

海青者海東俊鵞也白

者尤貴有數十金者

御選七十二

元十二

家集

玉漏藏機水暗流真珠射日動燈球偶人自解開青

瑣高拱龍牀報曉籌

大明殿有燈漏飾以真珠內爲

機械以小木偶人十二捧十二相屬每辰初刻偶人
相代開小門出燈外板上直御牀立捧辰所屬以報
時 元顧瑛草堂雅集后二

宮詞十首

徽儀閣內製春衣日長倦繡立彤闌奚官折送杏花
去笑看玉階胡蝶飛

黃金幄殿載前驅象背駝峰盡寶珠三十六宮齊上

馬太平清暑幸灤都

奉常告吉禴初冬太室精禋一念通傳旨外廷休奏
事今朝天子坐齋宮

華閣後春歸早百種名花臘日開爲是君王行不
到園官講殿進盆梅

千巖雨過翠玲瓏太液池邊看綵虹何處蓬萊通弱
水儀天殿在畫橋東

御選七十二

中書已奏新除了押寶還催內閣開斜插白麻龍篆
煙近臣當殿謝恩來

高鼻黃髯欵塞胡殿前引貢盡龍駒仗移天步臨軒
看畫出韓生試馬圖

皇心簡注

一作在

勳臣舊未有人知擬拜除宣索綵

綫濡玉筆榻前先命小臣書

夜深回步玉闌東香燼龍煤火尚紅折得海棠無覓

處依然遺却月明中

御選七十二

小時歌舞擅宮庭長憶先皇酒半醒白髮於今垂兩

鬢佛前學得念心經

草堂雅集后二

長信宮秋詞

羊車聲遠意徒勞望斷長門月影高猶恐九霄風露

早明朝擬送袞龍袍

草堂雅集后二

和許彥溫宮詞

暖吹生香花半吐三十六宮傳笑語雕闌並倚弄新

春翠袷不管露微雨小娃相對學吹簫雲母屏風白
玉堂中貴傳宣日將暮不省秋閨斷寸腸

草堂雅集

后二

御選五

漢長門詞四首

阿嬌初入漢宮時金屋承歡春晝遲欲學新妝重覽
鏡如今羞畫翠蛾眉

翠華明日游仙苑爲報春風候六龍妾貌如花翻被
妒莫教花貌似奴容

梧桐秋雨滴昭陽不忿燈花故近牀欲下羅幃宮漏
永細看當日繡鴛鴦

名花傾國占宮闈香損傷風傍路飛却憶夜來宮裏

事篋中未熨袞龍衣

草堂雅集后二

題風雨泊舟圖

春風桂楫木蘭舟欲采芳蘅不自由
淺瀨潏潏吹暮雨蒼梧雲冷易生愁

草堂雅集后二

題號國走馬圖

月淡花濃酒半消沈香亭暖度簫韶傳宣趣賜飛龍
馬號國夫人早入朝

草堂雅集后二

題金國端箭人馬卷

羶帳雪花寒單于夜不還分弓傳令肅明日獵天山
草堂雅集后二

題趙松雪畫馬

沙場萬里貳師還天馬如雲入漢關當日丹青誰第

一爲傳神駿落人閒

草堂雅集后二

御選七

十二

題小景便面

渚宮正在綠楊西鳳管龍笙法曲齊宋玉賦成爭諷

詠荷花深處起鳬鷺

草堂雅集后二

題翠屏色梅圖

玻璃瓶暖翠痕深萼綠仙人出上林不放春風吹繡

閣妝魂無語晝喑喑

草堂雅集后二

題朱澤民臨李營邱寒林圖

高林曾記舊黃昏下筆生春晝掩門劍氣低昂動山

岳翠蛾誰解憶公孫

草堂雅集后二

題從子倫畫雪景便面

千山雪月繞漁磯
寒沁船窗酒暈微
魂斷翠禽香入

夢梅花應笑美人歸

草堂雅集后二

題趙仲穆畫桃花馬

桃花出水映連錢
太液新酣綠樹煙
催賜金鞍調得

穩翠華明日幸溫泉

草堂雅集后二

題商壽巖畫山水

集賢曾畫嘉熙服
勅賜黃金拜舞歸
從此人閒重山

水清泉白石轉晴暉

草堂雅集后二

題明雪窗畫蘭

清事相過日應酬山僧信筆動新秋王孫遺法風流
在解使平臺石點頭王孫謂子固子昂昆仲也時雪
窗住虎邱寺草堂雅集后二

筆生沈日新來求書就寫舊詩以寄

沈生筆妙能隨意曾記蓬萊應制時三十六宮花漠
漠玉階研露寫新詞草堂雅集后二鐵網珊瑚書

品七

墨工林松泉來求薦就寫寄

先朝誰進林家墨曾試龍樓鳳餅新玉硯光華雲彩
動殿中書詔賜功臣草堂雅集后二

贈相士王生

不見王生二十年
武夷山下看清泉
南柯夢裏猶相問
臺貯黃金可赴燕

草堂雅集后二

就寄筆生溫國寶

千金當日賦長門
溫老中書預選掄
江上秋霜飛鬢影
怕拈湘管見嗟痕

草堂雅集后二

贈周信之教授

霞蒸春暖丹初熟
許我刀圭未暇尋
只在鴛鴦湖上住
杏花種得滿園林

草堂雅集后二

題雪溪達上人像於玉山草堂

道人曾宿靈隱寺
能畫寺前山意秋
古木立猿啼夜月
下有清泉如玉流

草堂雅集后二

明月歌送僧東游

上人忤世祇好游
蹴蹋空翠凌清秋
時人問之寂無語
明月在天惟點頭
吳山越嶠皆明月
桂樹相隨渡東浙
煩師問訊吾故居
山近瓊臺瞰雙闕

草堂雅集

后二

御選五

贈匡廬山人

道人欲築希夷室
自向身中煉火丹
何日朝元遊絳闕
九霄回首月華寒

草堂雅集后二

題匡廬山人所藏雲松圖於玉山書舍

幽人結屋廬山側
卧看九江天際來
白雲萬壑青松老
時撫絲桐坐綠苔

草堂雅集后二

題周文矩畫太真攀鞍圖

春風別院奏笙歌
妃子攀鞍轉曉波
不信開元太平日
香魂淪落馬嵬坡

草堂雅集后二

題趙松雪畫挾彈圖

夜合花開畫漏遲
王孫游騎出平隄
玉鞭緩策青林下
回首風前聽子規

草堂雅集后二

御選七

十二

題趙松雪春山圖

落花飛絮春日閒
散策深林獨往還
圖成應對美人語
好似西湖西畔山

此紀管仲姬畫眉時語也

草

堂雅集后二

御選七十二

題趙仲穆畫

山頭應是館娃宮
錦繡樓臺路可通
年年長見五湖水
萬斛舟行白浪中

草堂雅集后二

題文與可畫竹

湖州放筆奪造化
此事世人那得知
茫然何處見生氣
仿佛空庭月落時

草堂雅集后二

妮古錄

書

畫題跋記四

珊瑚網

題李遵道春山圖

江上蘭橈倚綠波
江頭聽唱竹枝歌
使君多少傷春

意新畫青山作髻螺

草堂雅集后二

題李遵道畫扇

江清地僻野人家門外橋通石徑斜不信東華塵十

丈萬山晴雪看梨花

草堂雅集后二

御選七

十二

題王孤雲界畫山水圖

滿地山河如繡迴巖樓閣凌風幾度春花秋雨不知

秦苑吳宮

草堂雅集后二

御選七十二元

十二家集

題道士黃松瀑詩帖後

道人下筆重黃金尚憶宮牆古木深獨倚闌干揮老

淚江山風雨動哀吟

草堂雅集后二

題達兼善書漁莊篆文

閒居正憶龍頭客喜見秦人小篆文便到山中看摹
勒已拚十日卧寒雲

草堂雅集后二

題米元章海嶽菴圖

我棄朝歸海嶽菴千巖萬壑繞江南先生預擬歸來
計不待臨風雪滿簪

草堂雅集后二

題米元暉山水

帝鄉春日曾舒卷溪館秋風每見之處處雲生山似
畫年年老去鬢如絲

草堂雅集后二

題漁父圖

黃金不用買驂騑十丈紅塵沒馬頭好買扁舟逐漁

父一江春雨看浮漚

草堂雅集后二

御選七

十二

題張萱畫橫笛士女

纖手鏘宮徵紗痕薄暮霞畫眉人去後深院落梅花

草堂雅集后二

御選六十五

題黃筌畫紅蕉十二紅

故國三千里名禽十二紅白頭供奉在揮淚溼東風

草堂雅集后二

御選六十五 元十二家集

題芙蓉畫眉

誰道秋容淡名花帶露穠畫眉聲欲碎莫放曉妝慵

草堂雅集后二

御選六十五

題邊武畫蒼松圖

疏竹搖秋雨蒼松凝晚煙王孫歸未得誰復效春妍
草堂雅集后二

御選六十五

題周文矩畫熨帛士女

熨開香霧細裁縫蜀錦吳綾五色穠雲母屏前秋冷
澹自將纖手折芙蓉

草堂雅集后二

御選七

十二

題拜石圖

麾斥煙霞世莫儔須江太守獨清流庭前見石即下
拜石若有情應點頭

草堂雅集后二

題王仁壽畫駝

西域降王朝正朔名駝載玉曉連山兩峰殘雪隨羌

鼓萬里流沙散漢關仗內垂鈴珠錯落駕頭蒙背錦

爛斑汝南粉本

盜識如今滿世閒

草堂雅集

后二

題姚婁東所藏平臺寒林圖

古木寒林欲斷魂家山落日近黃昏相從便問桃源

路絕頂人行何處村

草堂雅集后二

御選七

十二

題趙子固畫墨蘭

王子當時倚玉樓飄蕭翰墨足風流人間自有清香

種不逐湘纍一樣愁

草堂雅集后二

題所藏趙仲穆畫江山秋霽圖

國朝名畫誰第一只數吳興趙翰林高標雅韻化幽
壤斷縑遺楮輕黃金憶昔京華陪勝集郎君妙年才
二十江南春雨又相逢筆底秋山那可及便欲追蹤
僧巨然破墨爛漫還清妍倚闌人待滄海月懸崖樹
拂瀟湘煙老夫絕愛扁舟趣風靜波深疑可渡顧生
癡絕忽大叫指點前峰問歸路

草堂雅集后二

御選二十九

題李息齋畫竹

仙客揮毫不可招綠雲猶繞翠蕤飄天風吹醒丹淵
夢冉冉青鸞下九霄

深宮雨過長苔痕誰憶羊車舊日恩惟有集賢癯學

士一枝漠漠記黃昏

筆端隨意長清標疏葉風生翦翦飄羸馬城南看新
筍雨餘初散集賢朝

使臣弭節毗陵日屏障家家有畫圖何似小窗橫幅
好青鸞雙過洞庭湖

草堂雅集后二

御選七

十二

題郭元方畫海棠蛺蝶

名花楚楚近清尊蛺蝶春生五色痕金屋瓊窗無鎖

鑰蓬萊飛墜太真魂

草堂雅集后二

題蘇叔黨畫竹石

別墅促煎茶溪邊路不賒藍橋曾種玉春筍出仙家

題武洞清阿羅漢像

天廚送食鹿銜花口誦恆河沙復沙獨立虛空無所
住石橋西畔老夫家

草堂雅集后二

題錢舜舉畫杏花

一枝繁杏逞妖嬈曾向東風楊柳腰金水河邊三十
里落紅如雨玉驄驕

草堂雅集后二

御選七

十二

張叔厚白描乘鸞仙

秦臺縹渺近天涯紅霧霏霏隔絳紗蕭史不歸春欲
老吹簫祇在碧桃花

草堂雅集后二

御選七

十二

題周昉畫荔枝宮女圖

驪山宮殿九天開
盤出輕紅破玉腮
中使傳宣催驛騎
宮娥報道荔枝來

草堂雅集后二

題李遵道畫竹

秋風滿紙老黃華
元氣淋漓欲復斜
應是黃巖癯太守
青鞋時過楚人家

草堂雅集后二

題溫日觀畫蒲萄

學士同趨青瑣闥
中人捧出赤瑛盤
丹墀拜賜天顏喜
翠袖攜歸月色寒

草堂雅集后二

題從子倫寫生芍藥於玉山佳處

九十春光事已非，翻階紅葉尚天機。
畫工點染成生色，說與東君少待歸。

草堂雅集后二

題王元章寫紅梅花

姑射燕支襯露華，一枝楚楚進天家。
君王不作梁園夢，金水河邊厭杏花。

草堂雅集后二

題馮子振橫幅荷花圖

水殿風生酒力微，三千宮女綠荷衣。
美人應妬華隨去，月色瑤階未肯歸。

草堂雅集后二

題盧益脩畫水仙花

煖瓊柔翠曉慵妝，香損鴛鴦瓦上霜。
帝子愁多春夢遠，佩搖明月近瀟湘。

草堂雅集后二

題宋好古綠竹圖

仙子相邀駕綵鸞
瑤池玄圃拾琅玕
却憐宋玉多才

思貌得森森翠羽寒

草堂雅集后二

題宋徽宗畫柔條雨燕

雙雙紫燕承恩重
立盡柔條活欲棲
莫忘六宮春雨

暮珠簾捲處不曾低

草堂雅集后二

春直奎章閣二首

旋拆黃封日鑄茶
玉泉新汲味幽嘉
殿中今日無宣

喚閒捲珠簾看柳花

草堂雅集后二

御選七

十二

春來瓊島花如錦
紅霧霏霏張九天
底事君王稀幸

御儒臣日日侍經筵

草堂雅集后二

退直贈月

西華門外玉驄驕新賜羅衣退晚朝
繡枕魂清疏雨

暮海棠銀燭度春宵

草堂雅集后二

元日會朝

一作朝會

大明宮

軒冕朝元湧翠埃中天雞唱內門開
雲開

一作飄

五

鳳層樓矗日繞羣龍法駕來謁者引班聯寶帶上公

稱壽進金杯撞鐘告罷宮花側人指儒冠賜宴迴

草

堂雅集后二

御選四十九

元十二家集

次杜德常典籤玉泉寺秋日感懷韻五首

萬騎時巡九月回年年望幸寺門開
兒童不識髯龍

遠猶問君王幾日來

玉殿珠樓漾水光翠華來幸拂天香高皇魂魄應思
沛時有祥雲護此方

貝葉空聞馱白馬金根不復駕蒼虬當時迎日花如
錦一片人閒逐水流

錦纜牙檣天上移美人爭挽綠楊枝如今淚灑西風
急採盡蘋花晚欲吹

縈波翠苻牽秋恨泣露紅蕖落曉芳惟有舊時西嶺
月自移閣影過朱牆

草堂雅集后二

送尚醫林邦獻歸天台省親

嘗藥事親師華扁玉函方秘得真傳採芝曾斲瓊臺

月煮朮時飄碧海煙幾載尚醫留帝里一朝歸省上
江船五雲閣吏今華髮爲報桃花洞裏仙

草堂雅集

后二

贈醫者徐復菴

人說徐卿有奇術京華視病覓詩酬能知夢裏釣天
樂戲作壺中遯世游客館守丹和月坐名山採藥帶
雲收有人來問陽初復杜若春風江上洲

草堂雅集

后二

送王誠夫赴無錫知州

黃金橫帶爛輝光出守寧辭道路長鷄序久陪蒼水

使鳳池曾赴

一作賦

紫薇郎雙旌坐鎮清溪月列戟

看凝宴寢香肯汲惠山泉見寄青春煮茗當還鄉

草

堂雅集后二

題安僧元帥遠景亭

東河亭子憑高爽俯看平原繞茂林滄海月生朱拱
溼秦山雲起繡簾陰夢回春渚鐘聲小目倦晴空雁
影沈誰似詩書老元帥清時於此寫丹心

草堂雅集

后二

御選四十九

潞陽客舍和儲生韻

逆旅棲遲筆硯香柳車底事戀文章雲拖鴻雁生秋
色月冷魚龍湧夜光慟哭有誰憐賈誼形容已老似
馮唐風沙忽遇江南客佳句猶期萬里驤

草堂雅集

后二

送祕書掾李道濟之峽州知事

館閣論交久都門出餞遲同爲游宦客忍賦送行詩
蜀道傳鸚鵡江亭叫子規地偏公事少峽外看舟移

草堂雅集后二

御選三十八

元十二家集

送趙虛一還金陵書虞翰林詩後

詞臣通籍侍金闥天語從容問舊蹊雲外山高龍虎
踞人間松老鳳皇棲翰林擬詔當紅藥道士疏封出
紫泥更賜金錢祠泰時寥陽前殿麗璇題虞翰林詩
並序曰天曆二年三月二十五日集侍立延閣上顧
問集嘗至金陵否集謹對曰嘗到又曰治亭是汝所

題往年八九至其處新松當長茂矣集謹對曰是未
種松時到也近臣奏言道士趙虛一所種也上曰然
已陞觀爲宮汝知之乎集謹對曰臣奉勅題榜賜之
矣是日歸虛一來別歸江南即告以聖上不忘治亭
之意又三日吳大宗師持卷來索詩贈行因錄所得
如上云詩曰春明畫侍奎章閣聖上從容問治亭爲
報仙都趙真士新松好護萬年青 草堂雅集后二

御選四十九

送李教授之湖州

水精宮裏尋春處天目山前看月時隔岸園亭俱可
愛舊時風物未全衰廣文游宦詩如錦博士淹留鬢

欲絲欲謝君恩無寸補他年杜牧去應遲

草堂雅集

后二

御選四十九

送達兼善赴南臺御史

楊花滿隄春已暮況是都門送客時共陪鳩鵲方自
慰遠乘驄馬令人思汀洲水闊生杜若山驛雲深嘯
子規東南此去須行志斗米七千人苦飢

草堂雅集

后二

送程鵬翼赴山東運司經歷

齊人富國書猶在煮海爲鹽屬縣官千竈飄煙雲樹
溼萬盤凝雪浪花乾西曹儒雅聲華舊東郡司存禮
數寬談笑雲霞公事了大明湖上凭闌干

草堂雅集

后二

俞希聲置竹石於几案間名曰小山陰山陰吾之故鄉不能無題

昔年曾在山陰住不謂山陰到此堂蒼苔翠竹汝所好白石清泉吾故鄉禹穴有懷游太史鑑湖無復賜知章張帆明日竟東下雨過西興樹影涼

草堂雅集

后二

題錢舜舉畫梨花

洛陽城西千樹雪走馬看花徧阡陌金鞭換酒爲沈飲爛醉花前扶不得粉香薰透詩人脾思入吳牋灑殘墨別來風雨難爲春客懷幾度孤清明壯游回首

已陳蹟一聲嘒鳥心魂驚茗溪居士獲天趣造化潛
移不知處玉容寂寞澹春寒猶記香山舊時句羨君
好古清有餘勵志恥作黃金奴梅邊握手恨不早老
眼半世空江湖畫圖詩筆耀當代大嚼屠門意殊快
更須什襲爲珍藏靜裏春光常自在

御選二十九

草堂雅集后二

題畫蕙

一幹生數花春風折香玉持之贈所思幽人在空谷

草堂雅集后二

御選六十五

題靈壁石

翠滑煙虛小洞天一辭泗水不知年君王半醉宣和

殿曾見驚塵落舞筵

草堂雅集后二

題趙承旨墨竹

闔闔風來玉珮珊
洞庭秋入淚痕斑
至元朝士今誰在
翰墨風流滿世閒

草堂雅集后二

題唐子華畫秋江亭子

林皋霜老紅初冷
巖畔煙虛翠欲消
記得山陰曾訪隱
一筇秋色度溪橋

草堂雅集后二

題從子倫畫南山曉霽圖

少年曾帶南山勝
畫舫笙歌日日來
第二橋邊春水滿

曉晴芳樹散輕埃

草堂雅集后二

題山谷詠馬詩帖後

道山書困下階立曾見先朝十二閑紫翠樓臺秋雨
後清詩零落向人間

草堂雅集后二

閨中詞寫寄三首

階前萱草可忘憂底事王孫尚遠游却笑去年新種
竹錦綳已露竹根頭

御選五

物華生意隔湘簾睡起殘妝思更酣微笑竟穿花畔
去背人低語折宜男

御選五

四月新筍長五月萱草開日長深院靜獨自步蒼苔

草堂雅集后二

烏夜啼寫寄

故宮芳草春日低高林漠漠烏夜啼烏啼不斷愁深

閨萬里封侯安足道玉顏如花夢中老東方欲曙烏
飛去門外落花紅不埽

草堂雅集后二

御選

五

偶成三絕寫上就東匡廬山人

月華雲影漾中郊光曜紛紜動翠旂玉笛夜吹山石
裂有人騎鶴過三茅

御選七十二

放日輕霞破曉陰北窗徙倚聽龍吟光搖翡翠蓬山
遠浪擁玻璃貝闕深

青鳥當時養得馴碧梧露下覆清晨紗窗忽見秋如
許應有蛾眉憶遠人

草堂雅集后二

寓題寄玉山

一作浣花館

溪行何處是仙家谷口逢君日未斜隔岸雲深相借

問青松望極

一作極望

有桃花

草堂雅集后二

玉山書畫樓口占

一作湖光山色樓酒邊口占

紅顏欲醉倚高樓玉管聲中桂子秋如此江山

一作

湖山如此

不歸去冷雲風急卧扁舟

草堂雅集后二

御選七十二

姚婁東往玉山因書以寄

相逢何事且徘徊澤國桃花岸岸開見說衡陽南去

路秋深無雁寄書來

草堂雅集后二

春日偶成戲簡玉山人

愛君談笑俱清絕昨日相逢是幾回春色不將塵事

惱杏花移得上窗來

草堂雅集后二

姚婁東往武林和玉山韻以送

我欲從君馬首東錢塘湖上看春風六橋歌舞歡娛

地萬井樓臺淺淡中

草堂雅集后二

午日有感書寄

紅葵翠艾動千門惟有蒼梧霧雨昏離騷歌舞湘妃

怨宋玉如花合斷魂

草堂雅集后二

索陽莊瓜寄玉山

穀雨初乾可自由荷鋤原上倦還休醉迷芳草生春

夢誰識東陵是故侯

草堂雅集后二

題釣月軒

談笑從吾樂相過罷送迎
凭闌看月出倚釣待雲生
蝶化人間夢鷗尋海上盟
軒居總一作穩適意何物
更關情草堂雅集后二

至順初上嘗御奎章閣太禧使明理董阿中書左丞
趙世安大司農卿哈刺八兒侍上從容詢求江南
之士臣九思以韓性張翥應詔上曰俟脩皇朝經
世大典畢卿至江南刊梓時可親爲朕召此二人
者來試之館閣臣九思再拜曰幸甚後有近臣自
南使還者上問此二人其人亦曰佳士上頗悅後
竟因循遂隔今舉事玉山思之泣然流涕玉山請
詩以紀因爲四十字以寄二子云

二美人閒少胡爲滄海涯文章聯璧貴聲譽九重知
宣室今無召邱園謾有詩蒼梧雲黯黯回首淚空垂
草堂雅集后二

題黃筌梅花山茶野禽圖

萼綠仙人白玉冠霞裙輝映碧雲團芳禽慣聽吹簫

暖偎徧春叢午睡闌

草堂雅集后二

題趙昌畫牡丹鶉鴒

雕闌玉砌舊承恩輕吹凝香瑞靄溫宮女傳言妃子

笑笑看馴鴒出金盆

草堂雅集后二

余舊爲顧長卿作梅竹圖明年其弟仲瑛於姚子章
席上索題遂成口號

晴雪禁梅蘂春風裊竹枝美人應失笑記得捲簾時
草堂雅集后二

酬陸友仁城南雜詩十首

尺五城南瑞靄浮曾陪玉輅祀園丘太平禮樂逢昌
運親見嘉禾屢有秋

尺五城南神御殿雲籠金碧半天開羹牆每極終身
慕萬乘旌旗拂曉來

尺五城南老圃家牡丹如斗眩朝霞君王宴坐奎章
閣中使人閒不買花

尺五城南暖始開柳林閱武振芳埃鵲起駕鵝天際
落侍臣 廟獻蠡來

尺五城南憫忠閣平壤歸來有所思魏徵不作碑已
仆朝廷久乏諫諍姿憫忠閣乃唐時建薦征高麗戰
沒之士

尺五城南故國基武元皇帝有穹碑苔痕手剝推終
始載記當年備拾遺金太祖也

尺五城南可墾田勢隨高下接平川十年沃野連千
里能減東吳漕運船

尺五城南古寺深燕臺陳迹貯黃金幾回獨立斜陽
外數盡歸鴉月滿林

尺五城南望帝都孤臣去國意躊躇篋中尚有忠臣
疏不是相如封禪書

尺五城南話往年妝臺明月媚華筵歡娛未了聞笳鼓岐國雙蛾鎖翠煙

妝臺者金章宗所築以貯李宸

妃章宗嘗曰二人土上坐宸妃應聲曰一月日邊明章宗大悅我太祖皇帝伐金之初金宣宗嘗獻岐國公主以請和故云

草堂雅集后二

題宣和書畫博士李時雍畫渭川煙雨圖

近代何人能畫竹只數熙寧文與蘇宣和復有李博士亦作渭川煙雨圖圖中蕭蕭風景暮溪谷紫迴森竹樹深林欲澹蒼翠來暗葉爭翻亂珠度石梁細路人家幽生涯應比千戶侯老夫對此銷百憂坐覺滿堂生素秋筆端亦能工破墨直節曾移江上色先朝

見之重歎息吁嗟儒雅成陳迹回首丹霄天地窄

草

堂雅集后二

寄題聽竹亭

送客題詩學楚歌君歸聽竹楚山阿蒼竿已覺逢秋
勁亂葉翻疑入夢多月滿瀟湘初鼓瑟風回閭闔舊
鳴珂杖藜作伴清心耳惆悵如今鬢已皤

草堂雅集
后二

中秋醉後偶作

虞淵日沈羣動息露點蒼苔鬼工泣纖塵不染堪輿
清秋水無痕湛清碧初若照膽鏡飛上天一壁又如
驪龍珠跳出滄海窟冷光透體骨髓凝灝氣侵人毛

髮立年年中秋事行理孤館殘燈滯他邑今歲居貧
家此景頗自適持杯向月月墮酒舉酒長吞月隨入
酒到胸中飛火車月入詩腸洒冰汁眼花忽見仙人
來笑語欣然若相識長笛叫虛寒餘響裂巖石搔首
於兩閒今夕復何夕雲中老桂飄古香樹影婆娑印
蟾壁天風忽吹散人月兩俱失玉山倒入無何鄉雄
雞聲裏東方白

草堂雅集后二

御選二十九

送倪仲剛遷浙西

我昔少年氣如鶚萬里肩書趼雙足歸來思得人中
雄捫蝨高談破聾俗病餘此事便已廢學向衡門守
雌伏倪君表表制右來襟宇脫略無纖埃相逢一笑

即傾倒使我鬱塞怡然開鹽車久矣滯驂駟熟路飄
飄籥雲起丈夫有志在四方出處還應異諸子離筵
興濃舟且艤翠袖吳娃嫩如水清歌三疊動陽關
嫋嫋餘音碧雲裏願君舉觴不留滴去去功名當努力
他時短棹爲君住把酒吳山捲晴碧晚風推出海門
潮醉挽雲濤洗胸臆

草堂雅集卷二

商壽巖山水圖

老子胸吞幾雲夢賸水殘山藏妙用酒酣時把墨濡
頭收拾乾坤作清供粉黛不寫兒女顏禿兔掃盡江
南山孤峰拔地起千尺凜凜秀色撐虛寒飛泉一道
躍靈窟古樹千株舞煙骨小橋流水隔紅塵中有幽

人卧茅屋衆奇百譎烏可名筆力到處俱天成王維
久死喚莫起此畫一出疑更生世人飲食鮮知味淡
裏工夫屬三昧屠門大嚼空垂涎口不能言心自醉
蹇驢馱我春暮時觀山仰面哦新詩垂楊脩竹夾古
道忽有桃杏橫纖枝浴沂風軟搖輕袂雨過屏山滴
煙翠數家籬落近橫塘牛背夕陽明遠霽悠然對景
心無窮冥搜直欲收奇功貪愛眼前閒世界不知身
落畫圖中

草堂雅集后二

雪夜冰琴詩爲鄧靜春賦

嶧陽孤桐堅如鐵石上蟠根飽風雪何年雷電驅六
丁曾入深山取蛟蠶磳礪擊碎餘孫枝流落塵寰知

幾劫卓哉至寶斯器聲滿乾坤擅奇絕雪光照夜
三尺冰落指飛泉響雲穴霜空湛碧來西風老鶴孤
鳴下天闕余生兩耳獲親賞所恨黔驢惟伎拙小齋
人靜月窺窗古瓶水暖梅香拂衣再拜君操恍
然挈我天游鄉茫茫是身非已有塊坐俄驚柳生肘
九原大叫伯牙醒一洗雷同世閒手

草堂雅集后二

趙孝子歌

愁漠漠歌烏烏

一作鳴鳴

哀鴻背雪鳴

一作聲

相呼

中原無書歲復晏有父萬里身羈孤兒欲從之重回
首聞中有母母有姑側立乾坤行

一作去

復止

一作

佳浩浩落日明江湖憶昔方祿

一作保

抱阿耶辭家

去倏忽三十年兒今壯已娶一朝祖母死揮淚青山

溼却辭老母踰

一作邁

江淮

一作湖

風沙何處收親

骨燕市逢先友迢迢指濱州濱州東去二千里城南

亂處那可求呼

一作號

天頓地淚成血天地爲之色

慘冽

一作烈

結髮誓死不去此髮解冢開還見碣兒

能裏骨反如墓妻能守志終同穴君不見泣林冬斲

一作出

荀卧冰寒得魚古來純孝動天地我詩紀事

誠非虛璽書早暮旌其閭

草堂雅集后二

將進酒送九江方叔高南還

一作之鄔子洲巡檢

君不見見瀟湘之浦蒼梧山虞舜南巡去不還當時揖

讓稱大聖但餘湘竹秋痕斑又不見汨羅江水杯一

作頭深

碧玉屈原憔悴江頭哭皇天何高地何厚忠

而被讒空放逐將進酒君莫辭聖賢亦塵土不飲當

何爲桃華水暖歌聲度楊柳風輕舞袖垂況是驪駒

促行役美人惜別低蛾眉有肉如陵有酒如海今朝

盡醉

一作不飲

極歡娛莫待重來鬢絲改黃金裝一

作束

寶劍

一作帶

白玉飾琬弓將軍上馬意氣雄賦

詩橫梨踰江東

草堂雅集后二

送陳玉林南還

一作飛龍亭

二首

謝安墩上新亭好玉斧鸞旌記舊

一作紀昔

游五采

已

一作曾

瞻天子氣六龍初

一作俄

起帝王州元戎

談笑收京闕阿閣論思侍冕旒歸卧滄江今白髮鼎

湖雲斷使人愁

龍去亭

一作臺

空思惘然道人和淚話當年珠宮錫

號開三島金榜承恩自九天花落御牀霑宿霧苔生
輦路溼蒼煙春來怕渡秦淮水處處青林嘯杜鵑

草堂雅集后二

送陳孟賓歸九江省親

籍甚聲華翰墨場白雲飛處思淒涼濫分七略陪天
祿因識諸儒載奉常游客久瞻金闕近歸舟貪看錦
屏張太平天子行封禪莫滯周南歲月長

草堂雅集

后二

丹邱生集卷第三